

INUIT ATAQATIGIIT

INATSISARTUNI



Nuuk, 26. November 2012

Inatsisartut Suleriaasianni § 37 naapertorlugu Naalakkersuisunut apeqquut imaattoq matumuuna saqqummiuppara:

Apeqquut:

Inuutissarsiuteqartuulluni sulisinnaajunnaarnermik kingunilimmik arlaatigut ajoqusernermik nalaataqartilluni, taava pisortanut ikioqqulluni saaffiginnikkaanni akissutaasartoq tassaagajuppoq aappat suliffeqarmat ikorsinnaanngilatsigit. Taava qanoq ukiumut akissarsiaqarsimagaanni atsaat ikiorsiissutinik pisoqarsinnaava? Uani pivara aappaasoq.

Illuatungaatigulli aappariit (katinnikut) ukiumoortumik akileraarutitigut nalunaarsuiffimmiit nassinneqartarput ilaatigut aappaasoq utertoortoq aappaasoq akiligassalik. Aappaasup akiligassalik aamma akiliuttassanerlugu? Tamanna qanoq nassuiarneqarsinnaava.

(Inatsisartunut ilaasortaq Storm Ludvigsen, Inuit Ataqtigiiit)

Tungavilersuut:

Nunatsinni sulinermik aammalu aalisarnermik piniarnermillu inuutissarsiuteqartuulluni tassanngaannartumillu suleqqusaajunnaarnermik tamanna nakorsamit allagartalerneqarluni kinguneqarpat, taava pineqartoq pisortanut saaffiginnikkuni oqarfigineqartarpoq aappat suliffeqarmat aappavit inuutikkumaarpatit. Aappaasorli ilinniarsimasuunani, tassalu SIK malillugu akissarsiaqarluni ukiumut 150.000 kr ataallugit isertitaqarpat nalunanngilaq inuuniarneq oqimaassaqqisoq.